

রত্নময়ী

গীতি কাব্য।

১১৪

ম-২৭৪

শ্রীচারুচন্দ্র মুখোপাধ্যায়

প্রণীত।

কলিকাতা।

এইচ, এম, মুর্জি এবং কোম্পানী

কর্তৃক প্রকাশিত।

৪২ নং জিগ্জ্যাগ্ লেন।

১৯৭২

PRINTED BY H. M. MOOKERJEE & CO.,
The Metropolitan Press, 42, Zig-Zag Lane,
CALCUTTA.

১৫/২/২৮
বঙ্গবাজার
আব্দুল হক
পরিচালক
১৫/২/২০০৫

গীতির ব্যক্তিগণ ।

রত্নময়ী ।	নায়িকা-উপদেবী ।
মোহিনী ।	অভ্র-বপুর স্ত্রী-উপদেবী ।
মায়া ।	নীল-তনুর স্ত্রী-উপদেবী ।
নীলিমা ।	} উপদেবীগণ ।
রাঙ্গিনী ।		
সুন্দরী ।		
ফুল-কুল ।	} বিনোদের বন্ধু ।
মধু-প্রিয় ।		
রঙ্গ-লাল ।		
বিনোদ-বিহারী ।	নায়ক ।
অভ্র-বপু ।	} উপদেবত্রয় ।
নীল-তনু ।		
শান্ত-মতি ।		
কৌমুদী ।		

রত্নময়ী

গীতি কাব্য ।



প্রথম দৃশ্য ।



হিরণ্ময় নামক উপবন ।

কতিপয় উপদেবীর প্রবেশ ।

রঙ্গিনী । (গোলাপের নিকট গমন করিয়া)

অনুরাগ-রাগে, ডগমগ মুখ,

গরবী গোলাপ, তোর ;

ভর্ ভর্ করি, তবুণ অন্তর

হরিছে পরাণ মোর ।

গোলা । কোথা হ'তে এলে কহ, প্রিয়সখি,

শুনিতো বাসনা তাই ;—

পাকা ঠোঁট দুটি ঠেকা ঠেকি ক'রে,

ফাটেনাক যেন, তাই ।

রঙ্গিনী । অকণ-কিরণে সঁতারি হরষে
 খেলিলাম বেলা গেলে ;
 পালাইলে লাল, লাল হেরিবারে,
 আইলাম হেথা চ'লে ।

কোকিল । কুহু কুহু কুহু চায়না কেহই *
 হেরিতে চিকণ কাল ;—
 লাল, লাল, লাল ! লালই জিতিল,
 লালই জগতের ভাল ।

গোলা । কাল রূপে মোর হাড় জ্বালা করে,
 লাল সে ভুলায় মন ;—

কোকিল । বাহিরেতে কাল, ভিতরে আমার
 লালের আলো কেমন !
 কুহু কুহু কুহু, কুহু কুহু কুহু
 চেউইয়ে যায় বনে ;
 ছলিয়া ছলিয়া কোম' চেউ গুলি
 প্রবেশে প্রমদা-মনে ।
 কুহু কুহু কুহু ! যারে যারে কুহু
 প্রেয়সীর পাশে সুখে ;—
 বিলাসে গলিয়া, ননীয়া মুখানি
 মিশারে মোহিনী-মুখে ।

* পারস্য কবিতাতে গোলাপ কোকিলের প্রিয় ।

রত্নময়ী ।

যুঁই ।

কোঁমুদী সজনি, হাসি যে ধরেনা
অধরে তোমার আজি ;—
অই হাসি শুধু হেরিবার তরে
পরানে বাঁচিয়ে আছি ;
অই হাসি, সখি, চুরি করে' আমি
বয়ান আপন মাজি ।

কোঁমুদী ।

ধরণীর তারা, আলোক বরণী,
শুঁখিয়া তোমার মুখ,
সফল জীবন হয়গো আমার,
দূরে যায় সব দুখ ।
কেমন কবিতা ছড়াও, সজনি,
নিশাসি সমীর গায় !
শিরে, শিরে, শিরে, শিহরি আমিগো,
কানন-মোহিনী, তায় ।

নীলিমা । (মল্লিকার কাছে গিয়া)

মল্লিকার বাসে, বরকন্যা হেরি,
মধুর বাসর ঘর ;—
মঙ্গল উথলে, সাঁতারে সাহানা,
মধুময় শশধর ।

মায়া ।

আলিঙ্গন করে লতা ক্রশোদরী,
হেলিয়া-দুলিয়া সমীর-গায় :—

রত্নময়ী ।

রসে সমীরণ থর থর তনু,
হরষে সাঁতারি সাঁতারি যায় ।

(বিনোদ-বিহারী ইত্যাদির প্রবেশ ; ও
উপদেবীগণের ফুলে প্রবেশ ।)

বিনোদ । আহা কি সুন্দর বন নিরখি নয়নে !
ললিত হরিত পাতা সুগোল মেলিয়া,
ঠেকা ঠেকি করি গায়, মঞ্জু কুঞ্জ-বনে ।
পল্লবে পল্লবে কিবা আলিঙ্গিয়া কোম' !
ফুল-আলো বনস্থলে উজলে কেমন
চারিদিকে ! কীট অণু হরিত বরণ
বেড়ায় পাতার শিরে শিরে সুকুমার ।
কিছার ইহার কাছে মখমল্ মস্নদ্
নবাবের ! উপরে নীলের ছাঁচ, মরি !
নয়ন-আকাশ বড় মিলিতে প্রয়াসী
নীল আকাশের সনে, আনন্দে মাতিয়া ।

মধুপ্রিয় । মধু ! মধু ! মধু ! মজিতেছে মধু
কুসুম-কামিনী বুকে ;—
কেমন আমোদ, ঢালিতে কেবল
কোমল পিয়ালী মুখে !

রঙ্গলাল । শ্রম আছে বটে পিয়ালী ঢালিতে,
লোলুপ গালের মাঝে ;—

রত্নময়ী ।

স্বীকার করিতে সে শ্রম প্রস্তুত
তবুও মানস আছে ।

মধু । মধু ! মধু ! মধু ! মন চায় মধু
ফলার করিতে আজি ;—

রঙ্গ । ফলার করিতে শ্রম আছে বটে ;—
তাতেও আছি হে রাজি ।

বিনোদ । মধু ! মধু ! মধু ! ফুল-মনে মধু
বাসনা করিতে পান ; —
বাসনা সমান হ'ত যদি বল,
তুষ্টিতাম তবে প্রাণ ।

রঙ্গ । বাস ! বাস ! বাস ! বেড়াইছে বাস
অনিলের গলা ধ'রে ;—
টল্ টল্ ক'রে মাতালের মত
সমীর, সখার ভরে ।

মধু । বাস ! বাস ! বাস ! বাস-নেশা ভাল
বাসে হে আমার প্রাণ ;—
বেহুঁস মাতাল হইতে বাসনা ;
করে প্রাণ আনচান ।

রঙ্গ । . নামার রসনা সজল আমার
সুরভি সন্দেশ পেয়ে ;—
একেবারে, ভাই, ফেলেছে সুবাস
রসনার ছাত ছে'য়ে ।

* * *

রঙ্গ । সমীর শরীর পরষে ইরবে,
রসে ভিজাইয়া তাপিত হৃদি ;
সুখে কলেবর বায়ু হ'য়ে যায়,
সুখের আজিকে নাহি অবধি ।

বিনো । নীলিম গগনে গলিয়ে নয়ন,
চায় চাঁদিমার বদন পানে ;
কলপনা-পাখী মেলিয়া সে পাখা,
খেলা করে সুখে ছুটি বিমানে ।

মধু । কাল ডালে বসি কোকিল ডাকে,
কুহু কুহু কুহু গলায় গলে :—
কাল অলি-কুল উড়ে ঝাঁকে ঝাঁকে,
গুণ ! গুণ ! গুণ ! মুখেতে বলে ।

(যুবাদের নিদ্রা ; পুষ্প হইতে উপদেবীগণের উত্থান)

নীলিমা । সোনার স্বপন বিনোদের মনে,
আঁক দেখি, ভাই, দেখায়ে গুণ :—
কলপনা-কলা ঢালি প্রতিমায়
কর দেখি, ভাই, যুবায় ক্ষুণ ।

যাম্বী । রাম-ধনু রঙ্ ছাঁকিয়ে, সজনি,
“রত্নময়ী”-মূর্তি আঁকিব মনে ;—
চাঁদের চাহনী চুরি করে, সেই,—
মাতাইব আমি যুবক জনে ।

বিন্দু । ফুলের দোলন থাকে যেন তায়,
কুসুম-সুরভি-সনে ;—
কোকিলের গান—মদনের বাণ—
হানে যেন যুবা মনে ।

দৃশ্যের পতন ।

দ্বিতীয় দৃশ্য ।

বাসনা উপবন ।

বিনোদ ইত্যাদি ।

- বস । অপূৰ্ণ স্বপন, সখা, শুনাও মোদের ;
বড় ইচ্ছা শুনিবারে উপজিছে মনে ।
- বিনো । কি কহিব, প্রিয়সখা, সে স্বপ্নের কথা ?
নিদ্রার নিবিড় পটে দেখিলাম আঁকা
মানস-মোহিনী মূর্তি—বিশ্বের বিস্ময় ।
রাম-ধনু-কান্তিময় বরণ কচির ;—
যেন সুরবালা অমরায়, কিস্বা যথা শোভে
কৈলাশে কৈলাশ-উষা, উমা সুকুমারী,
কিস্বা যথা কবীন্দ্রের প্রাণের তনয়া—
কম্পনা-নন্দন-বনে সুবর্ণ-প্রতিমা ।
কি আনন্দ হইল যে হেরিয়া তাহায়,
বর্ণিতে পারিনে তাহা বচনে কখন ।
সে আনন্দ বাক্য-হীন—অবাকু আনন্দ,
নূতন আনন্দ, সখা, মানস-ভুবনে ;—
নূতন চাঁদের হাসি—ফুলেন ফুটন—
নূতন সমীর-সুধা—নূতন সুরভি,—

রত্নময়ী ।

নূতন তানের গীত, শুধু মধু ভরা—
নূতন ভরসা—আশা—নূতন প্রণয় ।

মধু । বটে, বটে, সখা ! তারপর, তারপর !

বিনো । ঝুঁকিয়া আমার পরে কহিলা মোহিনী,
অনুরাগে বিকম্পিত তপ্ত ওষ্ঠাধরে,
“জান না আমারে, নাথ ? তোমারই তরে
গ’ড়েছেন মোরে বিধি ;—এ জীবন ফুল
গাঁথা তব হৃদি বৃন্তে ; তুমিই আমার,
নয়নের তারা ; এই জীবন স্রোতের
স্নিগ্ধ সুধাময় ধারা”—উন্মাদ-সমান
আলিঙ্গিতে প্রসারিনু বাহুযুগ বেগে—
অমনি পালাল প্রিয়া, মারি বজ্র বৃকে ।

মধু । যা হবার নয়, সখা, বৃথা তার তরে
শোকতাপ ! ভাঙ্গিলে হে সোণার স্বপন,
আর কি ফিরিয়া আসে মন-রঙ্গ-স্থলে ?
কমলে জড়ান যথা দুষ্ক কাল ফণী,
সুখ-সনে দুখ ভবে জড়ান তেমতি ।

বিনো । বৃথা ফুটিতেছে ফুল মঞ্জু কুঞ্জ বনে হে,
সমীরণে !
বৃথা ঢালিতেছে গীত প্রিয় পিকগণে হে,
এ কাননে ।

(অত্র-বপু ও নীল-তনু উপদেব দ্বয়ের সন্ন্যাসী
বেশে গাইতে গাইতে প্রবেশ ।)

ব্যোম ! ব্যোম ! ব্যোম ! ব্যোমকেশ-কেশ

ফুলিয়া ছুঁয়েছে গগন-গায় ;

ভীষণ ত্রিশূল করে ধরি ভোলা,

বৃষের বাহনে চলিয়া যায় !

চক্ষের পলকে কাঁপে বিশ্বখানি ;—

ব্যোম ! ব্যোম ! ভোলা চলিয়া যায় ।

রত্ন ।

কোথা হতে আগমন, হে মহাপুরুষ,

তোমাদের, কহ তাহা কৃপা করি দাসে ।

অত্র ।

ভোলার ভঙ্গিমা ভুলায়েছে মন ;

ভোলার প্রসাদে সকল ভুলি,

ভ্রমি ভোলা-সনে, ভাব-ভোলা মনে,

লইয়া কাঁধেতে ভিক্ষার ঝুলি ।

নীল ।

সংসার-আগুণ নিবায়ে ফেলেছি,

তপের তর্পণ করি ;

দুখ-কাল ফণী বিষদন্তু হারা,

মোদের মানস' পরি ।

অত্র ।

ভ্রমি দেশে দেশে, ভাবিয়া ভবেশে,

হরি অভাগার দুখের ভার ;—

মহেশ-প্রসাদে, যোগমায়া বেশে,

আনিতে পারিগো সুখের সার ।

ব্রহ্ম । মেঘের কোলেতে হাসে কিবা সৌদামিনী মেয়ে
গগনে গভীর মেঘ-জাল ফেলিয়াছে ছেয়ে ।
ধবল বকের দল, উড়িতেছে মেঘ-গায় ;
চাতক ত্বর্ষাও মুখে, আছে মেঘ পানে চেয়ে ।

(অভ্র-বপু একখানি বৃহৎ আদর্শ
বিনোদের সম্মুখে ধরিলেন)

অভ্র । চেয়ে দেখ দেখি, কি পাও দেখিতে,
তকু ত'কে তলে এর !

বিনো । একটি কমল দেখিতেছি ফোটা ;—
রক্তিম রাগে রূপের ।

অভ্র । অই পদ্ম হ'তে, উঠি পদ্মযোনি
গড়িলা দেহ বিশ্বের ।

অভ্র । চেয়ে দেখ দেখি—চেয়ে দেখ দেখি,
অই কামিনীর পানে ;—
চুলের চালেতে কেমন প্রতিমা
বিকাশে উষা-বয়ানে !

বিনো । (রত্নময়ীর মূর্তি দেখিয়া,
অভ্রের পদতলে পড়িয়া)
বুঝিতে নারিনু এ মায়া তোমার ;—
কহ রূপা করি দাসে ।

নীল । মিলাইব তোমা যোগমায়া-বলে
মোহিনী তোমার পাশে ।

বিনো । কি বলিলে, দেব, বল আরবাস,
 শুনেও বাঁচুক প্রাণ ;—
 মরীচিকা হেঁরে, তৃষার্ত্ত যেমন
 পায় সে পরাণ-দান ।

অত্র । ভেরনা, বৎস, মিলাব—মিলাব
 তোমায় মোহিনী ধনে ।

বিনো । শুনি একি কথা !—স্বপ্ন সত্য, হার,
 হইবে কি এ ভুবনে ?

নীল । যোগের প্রভাবে, সকলি সম্ভবে,
 অঘটন হয় ঘটন ভবে ;
 প্রাণের বাসনা পূরাতে পারিগো,
 বাসনার ধন দিয়া মানবে ।

দৃশ্যের পতন ।



তৃতীয় দৃশ্য ।

হিরণ্য উপবন ।

রত্নময়ী আদি উপদেবীগণ ।

মোহিনী । সখি !

চাক চাঁদে, কুমুদ ফোটে,
জল আলো ক'রে ;
চাঁদ-বদনে, চাঁদের পানে
চায় নিশি ভোরে ।

স্বক্ৰিণী । তেন্নি করে ফুটবে মোদের
রত্নময়ী বালা ;—

প্রিয় চাঁদে, প্রেম রাতে,
পরবে প্রেমের মালা ।

সুন্দরী । ওলো !

ভাদ্র মাসের ভরা নদী,
জলে কাণে কাণ,
ধায় বেগে সিন্ধু-মুখে,
চালিতে পরাগ ।

মোহি । প্রেম-ভরা সখীর হিয়া,
 শ্রীনাথের পাশে
 প্রবল বেগে ধেয়ে যাবে,
 মিলনের আশে ।

রঙ্গি । ওলো সখি !
 কি আনন্দ হবে সেই বিবাহের দিনে !
 নাচিব, ছুটিব, ফিরিব, ঘুরিব,
 পাগলের মত, খোলায় মাতি ;—
 কতই তামাসা, পুরাইয়া আশা,
 করিয়ে কাটাব মধুর রাতি !

রত্ন । বিবাহ আমার হয়ে গেছে, সেই,
 জাননা কি তাহা সবে ?
 বিবাহ আমার, প্রাণের সজনি,
 হয়ে গেছে শেষ কবে !

রঙ্গি । রঙ্গ ছাড়, রত্নময়ি !

রত্ন । শুন সখি !
 তরণ তপন রমণ আমার,
 উষা সে সতিনী মোর ;—
 সতিনী হলেও উষা সুহাসিনী-
 সনে বাঁধা হৃদি-ডোর ।

রঙ্গি । তার পর !

রত্ন । চাকু চাঁদ মোর রেতের দোসর,
সাধের নাগর মণি ;
কতই সোহাগে, হাসি মোর সনে,
কথা কন গুণ মণি !

মোহি । তার পর !

রত্ন । বসন্ত আমার শ্রীনাথ সুন্দর,
ফুল মালা গলে প'রে,
প্রণয়-সুরভি নিশ্বাসি বাতাসে,
লয় মন প্রাণ হ'রে ।

রত্ন । তিনটি ত হল, তার পর !

রত্ন । কোকিল আমায় গলায়, গাইয়া,
মোহন কাণ্ড মাসে ;
পরান বস্ত্র সে জন আমার,
সে ভাল আমারে বাসে ।

নীলিমা । বলে

এক যুবতী শতক পতি,
তাই যে দেখি তোর ;—
হাস্তে হাস্তে প্রাণ যে বেরায়,
ভাগ-সোহাগি, মোর ।

সুন্দরী । হেঁচুড়া হিচুড়ি এক জনে লয়ে,
করে না যেন সকলে ;

দে'খ, দে'খ, ভাই, থে'ক সাবধান ;
যেওনা একথা ভুলে ।

মোহি । (রঙ্গিনীর প্রতি জনান্তিকে)

আকাশের গায় «বিনোদের» মূর্তি,
আঁকিয়ে হরিব মন ;—
দেখিব, দেখিব, রত্নময়ী-হৃদি,—
হয় কিনা উচাটন ।

(আকাশে মায়াবলে মোহিনী বিনোদের
মূর্তি আঁকিল ।)

নীলি । একি ? একি ?

দেবের মূর্তি, অপূৰ্ণ-বরণ,
আকাশ পটের পরি !
বরণ আভায়, মূর্তি শোভা পায়,
নয়ন মোদের হরি !
আধ আধ হাসি, মাধুরী-প্রতিমা,
আহা মরি, মরি, মরি !
আধ আধ হাসি বঁকিতেছে কিবা
সুঠাম ওষ্ঠের পরি !

সুন্দরী । ভাবে থর থর প্রতি রেণু অঙ্গে,
ভাবের প্রভাব বাহিরে গায় ;—
স্বর্গের আভাস, নয়নে বিকাশ,—
হেরিয়ে আনন্দ উথুলে যায় ।

৪ রত্ন ।

(স্বগত)

নীলিম অম্বর-পটে আঁকা কিও আশা ছবি ?
 সর্ব সুখ-বীজে ভরা যেন ও অপূর্ব কবি !
 ভাব চন্দ্র তারাদল ফুটিল অনন্ত মনে,
 ভাবের কিরণ কিবা ভাসায়েছে ত্রিভুবনে !
 ও বিনোদ কলেবরে কি সুখ মিশাতে কার্য !
 মনে মন মিশাইতে বাসনা বহিয়ে যায় !
 এক তনু এক মন অনুমাত্র ভিন্ন নাহি রবে ;
 প্রণয় প্রকৃতি কাণে মধুমাখা কথাগুলি কবে ;
 মেদিনী মুখেতে মধু ঝরিবেক নিশি দিন ভরে,

* * * *

দৃশ্যের পতন ।

—

চতুর্থ দৃশ্য ।

—

তরলানামক হৃদের তটে চন্দ্রিকা উপবন ।

উপদেব ও উপদেবীগণ ।

নীল-তনু । পাতার মন্দির গম্ভীর উঠিয়া,
অঙ্গ অঙ্ককারে বিরাজে বনে ;
নীলাম্বর হ'তে তারকা-হীরক
ফাঁক দিয়া ফুটি, মোহিছে মনে ।
দেবের নয়ন চাহি আছে যেন
প্রফুল্ল প্রভায়, মোহন বনে ।

অত্র-বপু । সাজের ধূসর শরীরে মিশিয়া,
ধর্ম-ধূপ-ধোঁয়া মেলিছে মৃদু ;—
প্রশান্ত সমীর ধীরে ধীরে ধীরে,
বিনোদ বিপিনে করিছে ষাছু ।

শান্ত-মতি । ফুলে যথা পড়ে শীতল শিশির,
চাঁদের শীতল হৃদয়-হ'তে ;
তপন-তাপিত হৃদয়ের পরে,
শান্তি বিন্দু মনে পড়ে তেমতে ।

অত্র । ধীরে ধীরে বনে গজাইছে ফুল,
 ধীরে ধীরে পড়ে সুবর্ণ পাতা ;
 অতি ধীর ধীর সমস্ত শরীর,
 মানস-কুসুম যাহার গাঁথা ।
 ধীরে ধীরে শূন্যে সঁতারে পাখী ;
 ধীরে ধীরে বহে ফুলের বাস ;
 সুশীল সমীরে ধীরে ধীরে ধীরে
 ঘহিছে কেমন নাসার শ্বাস !

(উপদেবীগণের প্রবেশ)

(সকলে সমস্বরে)

কি আনন্দ, মরি, আজি আমাদের কাননে !
 মিলাইব রত্নময়ী বিনোদ-বিহারী-মনে !
 কি সুখ মিলাতে প্রেমের মুরতি সুন্দর প্রেমিক জনে !

(বিনোদের প্রবেশ ও উপদেব উপদেবীগণের
 অদৃশ্য হওন)

বিনো । সোণার স্বপন হারাইয়ে, হার,
 কাঁদিলাম নিশি দিন !
 বৃথা আর ভবে জীবন-ধারণ—
 জীবন সুখ-বিহীন ।
 তরলায় আজি বিসর্জিয়া কায়,
 নাশিব দুখের দিন ।

ফুল-কুল !

কাঁদিতেছ মোর তরে শিশিরের ছলে কেন সবে ?

কাঁদিলে, অভাগা-দুখ ভূমণ্ডলে যায় ছাড়ি কবে ?

কেঁদোনা—কেঁদোনা আর ; ফেল মুছে নয়নের নীর ;—

কাঁদিবার তরে কিগো সৃষ্ট এই বদন কটির ?

ককণা মাখান অশ্রু ককণা মাখান মুখে নিরখিয়ে,

অন্তরে পাই গো ব্যথা, যাই আপনার বেদনা ভুলিয়ে ।

বসুমতি !

মলিন বসন পরি, কেন, মাত, আজি বিধাদিত ?

অভাগার তরে, মাগো, কেন ক্ষুণ্ণ অবসন্নচিত ?

পাখীগণ !

বিলাপ গলিছে কেন কোমল গলায় তোমাদের ?

যধু বন মাঝে কেন ধনি শুনি ক্ষুণ্ণ মানসের ?

যধুপ !

মন দুখে গুণ ! গুণ ! কাঁদিতেছ দুখে অভাগার !

ধাম ! ধাম, প্রিয়সখা, চলোনা ক আর বিলাপের ধার

(বিনোদ তরলার ঝাঁপ দিতেছেন, এমন সময়ে উপদেবী-


গণ জল হইতে উঠিয়া বেগে ধারণ)

বিনো । একি ! একি চমৎকার !

(অত্র-আঁধি ও নীল-তরুর প্রবেশ)

মায়ী । (রত্নময়ীর কর ধারণ পূর্বক বিনোদের প্রতি)

রত্নময়ী ।



এই লও সেই সোণার স্বপন,
হিয়ার অমরা পুরী ;—
কোথায় এমন ভুবন মোহন
হেরেছ রূপ মাধুরী ?

অত্র-বপু । মানসে ফুটিয়া অমল কমল
ফুটিল বিধির চক্ষে ;—
তেমনি তোমার সোণার স্বপন,
ফুটিল তব সমক্ষে ।

বিনোদ । (প্রণাম করিয়া)
কৃতার্থ ! কৃতার্থ, দাস, ওপদ-প্রসাদে !
সশরীরে স্বর্গ-সুখ ভুঞ্জিলাম আজি ।

মোহিনী । (বিনোদের কর ধারণ করিয়া, রত্নময়ীর প্রতি)
নীলের উপরে মায়াময় ছায়া
হেরিলে যাহার, সেই ;
ধর ধর হৃদে সশরীরে তায়,
মন সুখে, মধুমই ।

(উপদেবীগণ দম্পতীকে ফুলে বিভূষিত করিল)

মায়া । অই ! অই ! কিবা জলদের বেলা
উল্লঙ্ঘিয়া সুধাকর,
ভাসাইল জলে, তরু লতা দলে,
আহা কিবা মনোহর !

সুন্দরী । হাসি নিয়ে, হাসি দিল ফুল বালা,
 হরিত পাতার পাশে ;—
 তাঁদের কিরণ ধরিয়ে হৃদয়ে,
 কেমন তরলা হাসে !

নীলিমা । আনন্দের জলে, চেউ গুলি দোলে,
 নাচে উঠি উঠি, জোছানা মাখি—
 হরিণী নয়ন-পলক ফেলেনা,
 মোহিনী-মোহন-রূপ নিরখি ।

রঙ্গিনী । কোকিল চালিছে কুতুহল জল,
 নব দম্পতীর কোমল কাণে ;
 তরলার জলে খেলিছে কেমন
 সুরবালা-গণে উল্লাস-প্রাণে !

(উপদেবীগণের দম্পতীকে ঘিরিয়া নৃত্য করতঃ,
 ঝাঝা-দৃশ্যের রচনা)

রবনিকাপতন ।

বাগবাজার বই ড্রিং লাইব্রেরী
ডাক সংখ্যা.....
পরিগ্রহণ সংখ্যা.....
পরিগ্রহণের তারিখ

উপহার ।

— 080 —

বিদ্যালয়ে সহাধ্যায়ী, কার্যক্ষেত্রে চিরসহচর, জীবনের
প্রিয়তম সখ্য শ্রীযোগেন্দ্রনাথ চট্টোপাধ্যায় ।

ভাই,

মনে পড়ে—একদিন সন্ধ্যার সময় উভয়ে উভয়ের হা
পরিয়া যখন সেই পতনোন্মুখ বন্ধুর উদ্দেশে এবং সেই সঙ্গে সঙ্গে
এই হৃদভাগা সুরাদলিত উচ্চৈশ্বর্য-প্রাণ দেশের জন্য দুঃখ
করিতেছিলাম—মনে পড়ে, সেই সময় সেই সন্ধ্যার অস্পষ্ট
আলোকে দেখিয়াছিলাম তোমার চক্ষে দুই বিন্দু জল । সে
জলবিন্দু আমার পক্ষে বড়ই সুন্দর, পবিত্র ও অমূল্য বলিয়
বোধ হইয়াছিল । অন্যে সে সকল কথা জানে না । সে সকল
কথা কাহাকে বলিব—কে বুঝিবে ? দেশের লোকের ব্যবহা
দেখিলে অসংকল্প হয়, আশঙ্কা জন্মে, ভীত হই । ভীত হ
বলিয়াই আজ সন্ধ্যার এই পাপ চিত্রটি লিখিলাম ; জানি ন
কত দূর কৃতকার্য হইয়াছি । আমার বাহা কিছু উদ্যম, বাহ
কিছু প্রয়াস, এ কার্যক্ষেত্রে যাহা কিছু চেষ্ঠা তুমিই তাহা
সহায়, তুমিই তাহার পরিপোষক । ভালবাসার নিদর্শ
স্বরূপ সেই দিনকার সেই ঘটনাটি স্মরণ করিয়া এই সমান
পুস্তকখানি আজ তোমার হস্তে সমর্পণ করিয়া কৃতার্থতা লা
করিলামি । ইতি—

দত্তপুকুর

২০ অগ্রহায়ণ ১২৮৮

তোমার চিরস্নেহাভিলাষী

হরিদাস ।

